



Treoirlínte Branda

Ár Lógó

# Lógó

## Réamhrá

Comh-mharc is ea lógó Cine4 ina bhfuil lógó agus siombail. Saincheapadh an lógó le go mbeadh sé ag teacht leis an lógó i bpríomh-bhranda TG4. Tá trí leagan éagsúla ann atá ceadaithe agus tá siad léirithe anseo.

Mar an príomh-aitheantóir dár mbranda, tá sé ríthábhachtach ardchaighdeán an lógó a choinneáil ar fud gach feidhmchláir agus gach cineál cumarsáide.



Lógó Cothrománach



Lógó Dlúth



Lógó Simplithe

# Lógó Cothrománach

Feidhmíonn an leagan cothrománach mar an príomh-lógó agus tá sé beartaithe é a úsáid i gcásanna ina bhfuil taispeántas feiceálach den lógó de dhíth. Mar shampla, is féidir é a úsáid go héifeachtach ar chlúdaigh nó ar scáileán dubh ag tús scannáin.



# Lógó Dlúth

Tá an leagan dlúth den lógó ag teacht go héasca le córas dearaidh na gCeithre Riail\* (Rule of Four). Tá sé an-oiriúnach go háirithe le cur i gcoirnéal saothair ealaíne ag an mbarr ar dheis, amhail ar na háiseanna meán sóisialta.



\*Is féidir teacht ar níos mó faoi na Ceithre Riail ó leathanach 19 ar aghaidh.



# Lógó Simplithe

Is leagan simplithe den lógó atá sa chineál lógó seo, agus tá sé ceaptha a bheith in úsáid ar stáiseanóireacht nó ar ghnéithe priontála nuair atá lógó ar scála níos lú nó lógó níos simplí ag teastáil.

Is féidir é a úsáid freisin mar rogha stíle ar thaispeántais dhigiteacha, áit a mbíonn lógó nach bhfuil chomh feiceálach sin ag teastáil, mar shampla ar cháipéisí Word, sleamhnáin nó leagan amach cur i láthair i gcásanna ina bhfuil gnéithe den tsiombail in úsáid in áiteanna eile mar ghaireas grafaice.

# CINE4

## Lorem ipsum dolor Consectetur adipiscing elit

07/12

Quisque porttitor diam vitae

- Curabitur vulputate sagittis magna id varius
- Suspendisse auctor vulputate ante
- At pellentesque lacus mattis id

Donec varius risus et nisl ultricies


CINE4

# Lógó

## Spás glan

Tá spás glan mór timpeall na lógónna ag teastáil uainn chun a chinntiú go mbeidh siad le feiceáil. Is ionann airde na litreach 'C' agus an t-íosmhéid den spás glan atá ag teastáil chun soléiteacht ár lógó a chosaint.

Ní mór an glanspás a thabhairt faoi deara agus ní mór é a bheith cothrom i gcónaí le hairde 'C' nó níos mó ná airde 'C'. Níor cheart go mbeadh an cineál grafaice nó gnéithe den ghrafaic ag cur isteach ar an lógó agus ar an nglanspás in am ar bith.





# Lógó

## Cosaint bhranda

Tá sé ríthábhachtach ár lógó a chosaint chun féiniúlacht an bhranda a chur ar fáil. D'fhonn cur chuige comhtháite agus seasmhach a choinneáil maidir le lógó Cine4 a úsáid agus a léiriú, bain úsáid i gcónaí as na máistir-chomhaid saothair ealaíne atá ar fáil sa phacáiste branda agus ná hathraigh an lógó ar bhealach ar bith.

Seo a leanas samplaí d'úsáid mhícheart an lógó:

- Ná cuir an lógó as a riocht
- Ná cas an lógó
- Ná cuir an lógó ar fáil i ndathanna difriúla seachas na cinn atá leagtha amach sna treoirlínte
- Ná hathraigh ord na ndathanna laistigh den tsiombail
- Ná cruthaigh leagan imlíneach den lógó
- Ná cuir scáthú ar an lógó nó ná déan cóiriú air
- Déan cinnte i gcónaí go bhfuil ár lógó inléite
- Ná cuir cló-aghaidh dhifriúil in áit an lógó



Tabhair ar aird: Treoir atá sa liosta seo agus ní liosta cuimsitheach é



Ár nDathanna


# Dathanna

## Léargas ginearálta ar phailéad


Is cuid ríthábhachtach dár bhféiniúlacht iad dathanna ár mbranda a chuimsíonn ár nádúr léiritheach bríomhar.

Cé go bhfuil ár mbundathanna ann chun béim a chur ar dhinimiceas, beidh an dath bán ina ghné shuntasach freisin sna dearaí digiteacha chun cuidiú le cuma fairsing agus éagsúil a chur ar leagan amach ár ndearaí.

Is féidir imreacha den liath a dhéanamh amach go dírialta mar chéatadán den dubh ó tharla go bhfuil codarsnacht leordhóthanach ann i gcónaí chun inléiteacht a chinntiú.



Bundathanna



Dathanna Neodracha

# Dathanna

## Luachanna na nDathanna

Téal	Glas	Oráiste	Bándearg	Dubh	Bán
RGB: 0 91 106 HEX: #005b6a CMYK: 93 52 46 22	RGB: 0 186 60 HEX: #00ba3c CMYK: 78 0 100 0	RGB: 255 166 15 HEX: #ffa60f CMYK: 00 40 100 0	RGB: 255 32 124 HEX: #ff207c CMYK: 0 95 20 0	RGB: 0 0 0 HEX: #000000 CMYK: 60 40 40 100	RGB: 255 255 255 HEX: #ffffff CMYK: 0 0 0 0

Tabhair ar aird: Níor cheart an doiciméad seo, agus an chuma atá air ar an scáileán nó i bhfoirm asphrionta, a úsáid chun críoch dathanna beachta a phéireáil.

# Dathanna

## Na dathanna is fearr le húsáid ar an lógó

Tá codarsnacht éifeachtach idir ár ndathanna ar chúlraí geala agus ar chúlraí dorchá. I gcásanna mar sin, is fearr an leagan cothrománach den lógó a úsáid leis an tsiombail i bhfoirm dhaite agus an lógó i ndath dubh nó bán, agus an chodarsnacht leis an gcúlra á meas ar an mbonn sin.

Mar sin féin, is féidir an lógó a chur in oiriúint más gá chun feidhmiú go hiomlán i ndath dubh ar bharr cúlra bán nó i scéim dathanna inbhéartaithe.



# Dathanna

## Na dathanna is fearr le húsáid ar an lógó

Moltar an leagan dlúth den lógó a úsáid i bhfoirm dhaite. Mar sin féin, nuair a úsáidtear formáid le dath amháin, déan cinnte go gcuirfear an dath ar an gcuid sin den lógó ina bhfuil an tsiombail agus go mbeidh codarsnacht idir an lógó agus an cúlra i ndath dubh nó bán.






# Dathanna

## Na dathanna is fearr le húsáid ar an lógó

Nuair atá an lógó le feiceáil ar bharr píosaí scannánaíochta nó ar chúlraí daite, moltar an leagan simplithe i ndath dubh nó bán a úsáid.

I gcásanna mar sin, d'fhéadfaí an dath liath a úsáid mar rogha mhalartach chun cuma chaolchúiseach a chur ar an lógó. Cé go bhféadfá an imir shonrach den liath a úsáid de do rogha féin, tá sé ríthábhachtach a chinntiú go mbeidh codarsnacht leordhóthanach ann ar mhaithe le soléiteacht shoiléir.





Clóghrafaíocht

# Clóghrafaíocht

## Léargas Ginearálta

Is é FS Lucas Pro an fhine chló atá roghnaithe chun cur lenár dteanga fhísiúil sna ceannlínte, sna teidil agus sa chorptheacs.

Má úsáidtear cló ar leibhéal trom éagsúil laistigh den fhine seo, cuidítear le hordlathas soiléir a chruthú i leaganacha amach clóghrafaíochta.

FS LUCAS PRO

AaBbCc

ABCDEFGHIJKLMNOPQRSTUVWXYZ

abcdefghijklmnopqrstuvwxyz

0123456789

FS Lucas Pro Light

FS Lucas Pro Regular

FS Lucas Pro Med

**FS Lucas Pro SemiBd**

**FS Lucas Pro Bold**

**FS Lucas Pro XtraBd**

**FS Lucas Pro Black**

**Gaireas Grafaice**



# Gaireas Grafaice

## Léargas Ginearálta

Is ilfheidhmeach atá an tsiombail inár lógó, ní hamháin go bhfeidhmíonn sé mar aitheantóir branda i gcomhthéacs an lógó ach feidhmíonn sé mar ghaireas grafaice a mhúsclaíonn spéis fhísiúil sna leaganacha amach.

Is féidir leis grianghraif a fheabhsú nó feidhmiú mar ghné uigeachta laistigh de cheann amháin d'aon cheathrú cuid dár gcóras dearaidh.

Nuair a úsáidtear an gaireas grafaice in éineacht leis an lógó, níor cheart ach an leagan simplithe den lógó a úsáid.



Na Ceithre Riail



# Na Ceithre Riail

## Léargas ginearálta ar an gcóras

Lena chinntiú go mbeidh córas láidir dearaidh ann a oibreoidh ar bhonn trasardáin go comhtháite, tá Na Ceithre Riail cruthaithe againn – córas eangaí ina bhfuil 4 spás sholúbtha.

Is ionann na ceithre spás agus an uimhir ceathair in TG4 agus in Cine4, rud a choinníonn na luachanna branda i gcroílár an chórais. Ní bheidh ach ceithre spás mhodúlacha san eangach, lena n-áirítear lógó Cine4.

Is féidir leis an gcóras bogadh go héasca, rud a cheadaíonn réimse as cuimse de leaganacha amach spéisiúla atá in ann a bheith oiriúnach d'aon fhormáid phriontála nó dhigiteach.





# Na Ceithre Riail

## Samplaí de leaganacha amach

	4


	4

Tabhair ar aird: Dhá shampla i measc réimse leathan féidearthachtaí de leagan amach na ndearaí atá anseo.

# Na Ceithre Riail

## Leagan amach an dearaidh a chosaint


Nuair atá leagan amach á chruthú leis na Ceithre Riail, déan cinnte go mbeidh dóthain spáis ann do gach ceathrú cuid ar leith. Ní mór go mbeadh an t-íosmhéid spáis ar aon cheathrú cuid ar leith leordhóthanach le go mbeidh spás ann don lógó agus ag an am céanna go gcloífear leis an nglanspás.



# Na Ceithre Riail

## Leagan amach an dearaidh a chosaint

Ba cheart go mbeadh na ceithre spás i leagan amach na ndearaí le feiceáil i gcónaí mar chearnóga nó dronuilleoga soiléire. Cruthaigh leagan amach i gcónaí trí úsáid a bhaint as línte díreacha cothrománacha nó ceartingearacha; ná claon na línte nó ná húsáid línte trasnánacha.



# Na Ceithre Riail

## Samplaí de leaganacha amach

**Lorem ipsum dolor**  
Consectetur adipiscing elit

07/12

Quisque porttitor diam vitae

- Curabitur vulputate sagittis magna id varius
- Suspendisse auctor vulputate ante
- At pellentesque lacus mattis id

**Donec varius risus et nisl ultricies**

CINE4

# Na Ceithre Riail

## Samplaí de leaganacha amach

nunc

# 80%


- Maecenas bibendum
- Vestibulum congue
- Duis venenatis



CINE4

# Na Ceithre Riail

## Samplaí de leaganacha amach





**Ádh mór**

---